

“Psychic”

Nan saber di bo pasado ta asombrante. (“Na kas bo tabatin desakuerto. Bo a gasta bo sèn pa un ko’i kèns.”) I nan pronos-tikashonnan ta inkreíbelmente korekto! (“Bo lo topa un stranhero atraktivo.”) **Alménos esei ta loke nan ke pa bo kere...**

Awendia un òf otro “psychic” den ekterior ta purba gará bo ku su propaganda na televishon, internet, èts. Fásilmente bo por yama nan. Nan ta asina amabel, asina komprensíbel, asina kla pa skuchábo, **asina kla pa gañábo, asina kla pa tuma bo sèn...**

Mas i mas hende na nos islanan, desesperá pa solushoná nan problemanan, ta tuma kontakto ku un òf otro “psychic” keriendo ku su konosementu okulto por yuda. Ma esei ta e kaso? Nos tin problema ku “psychicnan” riba tres punto sigur.

1. Meta di e “psychic”: **sèn**. Debbie Nathan a skirbi di su trabou komo “psychic”. Ora e kliente yama, **meta di e “psychic” ta pa ten’é na liña mas tempu pusíbel**. E promé dos minüt na telefon ta gratis; despues e kliente ta paga \$3.99 pa kada minüt. Debbie a haña 25 sèn pa kada minüt ku e tin e kliente na liña—\$15 pa ora. Pa yena tempu, Debbie a tuma nòmber i adrès presis di kada kliente. Na lugá di yuda e kliente funshoná riba su mes, e “psychic” ke desaroyá un amestat dependiente ku n’e p’e papia mas tempu na telefon i yama mas biaha. Hopi kliente ta paga shenes di florin mensual pa yamadanan telefóniko...sèn ku ta bai pa e “psychic” i su kompania. Kompanianan síkiko ta chèk kuantu tempu kada “psychic” ta na liña. Si su averahe ta ménos ku 14 minüt e “psychic” ta kohe awa.

Algun “psychic” ke sèn pa siertu “servisio”. E kliente, kon-fiando ku e lo haña siertu benefisio, nunca mas ta mira su sèn.

2. Métodonan di e “psychic”: **nada sobrenatural**. E kliente ta asombrá kuantu e “psychic” sa di dje. Ma di bèrdat, e “psychic” sa di e kliente simpelmente pasobra tin tantu similari-dat entre e kliente i tur otro hende. Pues, ora e “psychic” ta bisa algu general (ku mayoría hende sa hasi) e probabilidadat ta grandi ku e kliente tambe ta aktua asina.

E “psychic” intenshonalmente ta usa palabranan general... palabranan ku e kliente ta asosíá ku algu spesífiko den su bida. Por ehèmpel, e “psychic” ta bisa: “Mi ta sinti ku bo ta lucha ku bo emoshonnan.” E kliente por kontestá, “Bèrdat. Mi a pèrdè trabou tres luna pasá.” Mas den dia, e kliente baboká ta konta un amiga ku e “psychic” tabata sa el a pèrdè trabou! Ma echu ta ku e “psychic” no a bisa esei. E kliente mes a divulgá e detaye ei reakshonando riba e palabranan general di e “psychic”. Si e kliente respondé, “Bèrdat, mi esposo a muri aña pasá,” òf “mi a pèrdè mi kas djaluna”, e “psychic” ta sigui kombersá komo sifuera e ya kaba sa e detaye ei ku e kliente a laga slèk. Mayoría “psychic” no tin ningun konosementu okulto.

Ta irasonabel pa kuestioná pakiko un “psychic” ku supuesta-mente tin konosementu sobrenatural mester puntra e kliente pa su nòmber i adrès?

3. Mensahe di Dios pa e “psychic”: **denunsia**. Beibel ta kontra e profeshon síkiko. “*No...praktiká adivinashon, ni mira destino. Entre boso no mag wòrdu hañá ningun hende ku ta... praktiká adivinashon òf ku ta praktiká bruheria, òf ku ta pronos-tiká... Pasobra ken ku hasi e kosnan aki ta un abominashon na SEÑOR ...*” (Levítico 19:26; Deuteronomio 18:10-11).

Dios a laga sa ken profetanan bèrdadero ta: **esun ku nan profesianan ta kumpli den nan totalidat** (Deuteronomio 18:21-22). Kua “psychic” por pasa e tèst ei? Ta opvio: ningun “psychic” ta di Dios! Asta si e “psychic” no ta mete ku poder diabóliko, e kliente su interes den poder síkiko, fásilmente por guia na opreshon diabóliko.

Pa evitá di keda blo bashí, gañá, i desaprobá pa Dios, evitá tur kontakto ku “psychic”.